



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Sahit Beqiri	27.03.2024	06.04.2024	2024/0239

BAZA LIGJORE E SHQYRTIMIT

Me datën: **20.03.2024**, OE:**STANDARD HOME FURNITURE L.L.C.; - Prishtinë**, ka parashtruar ankesë me nr: **2024/0239**, kundër njoftimit për dhënie të kontratës ku është rekomanduar për kontratë GOE: **Lot :3Wood Corporation L.L.C.; Madekos Sh.p.k. - Suharekë**, lidhur me aktivitetin e prokurimit: **“Furnizim me mobilje”** me nr. të prokurimit: **"UA/2016-23-14297-1-1-1"**, iniciuar nga Autoriteti Kontraktues (AK) – **Agjencia Qendrore e Prokurimit**.

Autoriteti kontraktues ka zbatuar procedurë të hapur, lloji i kontratës: **furnizim**, vlera e parashikuar e kontratës: **2,250,000.00 €**. Nëse është e përsëritur ankesa, të shënohet se lidhur me këtë lëndë **NUK** është nxjerr një vendim i mëparshëm i OSHP-së.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, dhe Ligjin 05/L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

(Të përshkruhen dispozitat e shkelura dhe vetëm pikat e ankese)

Ligji për Prokurim Publik i konsoliduar

Neni 7 Barazia në Trajtim/ Jo- Diskriminimi;

Neni 24 Zyrtarët e Prokurimit gjatë Ushtrimit të aktiviteteve të prokurimit;

Neni 52 Njoftimi i kriterëve për dhënien e kontratës;

Neni 59 Ekzaminimi, Vlerësimi dhe Krahësimi i Tenderëve;

Neni 69 Kapaciteti teknik dhe profesional;

Neni 108/A Zgjidhja preliminare e mosmarrëveshjeve.

Rregullorja nr. 001/2022, për Prokurim Publik

Neni 40 Ekzaminimi, Vlerësimi dhe Krahësimi i Tenderëve;

Neni 97 Shkeljet e Renda.

Udhëzuesi për Prokurim Publik nr. 001/2023

Neni 10 Sqarimi i tenderëve gjatë procesit të vlerësimit të tenderëve.

Deklarata detale mbi faktet dhe argumentet

Te nderuar,

Grupi i OE ankues Standard Home Furniture L.L.C, & NNP STANDARD PLUS me datën 11.03.2024, në kuptim të nenit 108/A të LPP-se, ka parashtruar kërkesë për rishqyrtim dhe ka kundërshtuar vendimin mbi rezultatin e aktivitetit të prokurimit sa i përket propozimit për dhënie të kontratës në lotin 3 “Furnizim me inventar shkollorë” të aktivitetit të prokurimit me titull *Furnizim me mobilje*, me nr prokurimi: UA/2016-23-14297-1-1-1.

Autoriteti Kontraktues – Agjencia Qendrore e Prokurimit AQP, sipas vendimit të datës 14.03.2024, ka refuzuar kërkesën tonë për rishqyrtim dhe ka lënë në fuqi propozimin për dhënie të kontratës, përkundrazi fakti se ne si kompani kemi prezantuar prova dhe baze ligjore përmes të cilës konfirmohet se është rekomanduar për dhënie të kontratës oferta e pa përgjegjeshme në raport me kërkesat kualifikuese, prandaj në kuptim të nenit 109, të LPP-se dhe në afatit e parapare paraqesim këtë:

A N K E S E

Pretendimi ankimor 1:

Autoriteti Kontraktues – Agjencia Qendrore e Prokurimit – AQP, sipas vendimit për refuzim të kërkesës ka konsumuar shkelje ligjore nga neni 108/A, të LPP-se, paragrafin 8, pika 4 dhe paragrafi 9 ku përcaktohet:

8. Autoriteti kontraktues do ta refuzojë një kërkesë për rishqyrtim kur:

8.4 Autoriteti kontraktues ka shqyrtuar vendimin e tij në kuptimin e asaj që kërkohet nga ankuesi.

Paragrafi 12 i nenit 108/A, të LPP-se:

“Kundërshtimet dhe vendimet e miratuara në përputhje me paragrafët 8 dhe 10 të këtij neni, duhet të jenë të arsyetuara dhe të komunikohen me shkrim, në përputhje me këtë ligj,

parashtruesit të ankesës dhe të gjitha palëve të interesuara, nëse ka ndonjë”.

Zyrtarja pergjegjese e prokurimit te AK – AQP, ka nxjerr vendim, perkatesisht pretendimet tona ankimore i ka deformuar dhe nuk i ka trajtuar ne formen e kerkuar nga ne si OE, rrjedhimisht i ka anashkaluar kerkesat e parqitura ne dosje te tenderit sa i perket deklarates per specifikacione teknike te detyrueshme.

Pretendimi ankimor 2:

Autoriteti Kontraktues –Agjencia Qendrore e Prokurimit, ne piken 3.1 te Dosjes se tenderit (FDT) ka aplikuar kerkese dhe atë si me poshte:

Pretendimi ankimor 2:

Autoriteti Kontraktues –Agjencia Qendrore e Prokurimit, ne piken 3.1 te Dosjes se tenderit (FDT) ka aplikuar kerkese dhe atë si me poshte: *“Operatori ekonomik duhet të paraqesë dokumentet dëshmuuese për qëllimin e ofruar tëkontratës, duke përfshirë:*

- a. Deklaratën për specifikacionet teknike për mallrat e ofruara të cilat përputhen me ato të përmendura në Aneksin 1 të dosjes së tenderit”;*

Autoriteti Kontraktues – Agjencioni Qendror i Prokurimit, përkatësisht sipas vendimit dhe refuzimit te kerkeses sonë potencon se OE i rekomanduar për dhënie te kontratës “Wood Corporation LLC & Madekos” shpk, **kane nenshkruar dhe vulosur aneksin 1 !**

Aneksi 1 i dosjes se tenderti ligjerisht është kerkese zbatuese dhe implementuese e kontratës perkatesisht nuk është kerkese kualifikuese (shiqo nenin 28 te LPP-se). Kërkesë kualifikuese e përcaktuar nga AK – AQP, është deklarata për specifikacione teknike për mallerat e ofruara te cilat perputhen me ato te pershkruara ne aneksin 1 te dosjes.

- Deklarata e tille nuk është prezantuar ne oferte nga grupi i OE-ve te rekomanduar

- a. për dhënie te kontratës ne Lotin 3.**

Nenshkrimi dhe vulosja e aneksit 1 nuk e ben ofertën e pergjegjeshme ne raport me kerkesen kualifikuese. Pra, nuk është kerkuar nga ofertuesit qe te nenshkruhet aneksi 1 por është kerkuar qe te prezantohet DEKLARATE PËR SPECIFIKACIONE TEKNIKE TE DETYRUESHME.

Prove: Aneksi 1 i nenshkruar vetëm nga njeri anetar i grupit dhe e trajtuar si e mireqene nga AK – AQP.

Aneksi 1 SPECIFIKIMET TEKNIKE TË DETYRUESHME

Sipas nenit 94 të Ligjit të Prokurimit Publik Nr. 05/L-068 për ndryshimin dhe plotësimin e Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me Ligjin Nr. 04/L-237, në kuadër të Ministrisë së Financave të Republikës së Kosovës është themeluar Agjencia Qendrore e Prokurimit (AQP).

AQP sipas Ligjit për Prokurim Publik të Kosovës, është përgjegjëse për:

- ✓ Zhvillimin e prokurimeve të përbashkëta për Njësitë Kërkuese;
- ✓ Me kërkesën e Njërive Kërkuese, kryen aktivitetet e prokurimit në emër të tyre; dhe
- ✓ Me kërkesën e Njërive Kërkuese, ndihmon në kryerjen e aktiviteteve të prokurimit.

Autoriteti Kontraktues (Agjencia Qendrore e Prokurimit) është duke identifikuar furnizuesit që do të kenë kapacitetin për të furnizuar me produkte inventarit për Autoritetet Kontraktuese të identifikuar në Aneksin 7. Furnizuesit do të jenë përgjegjës për menaxhimin e plotë të furnizimit për Autoritetet Kontraktuese të identifikuar në Aneksin 7.

Rreziku i humbjes apo dëmtimit, të produkteve të inventarit nga cilido shkak do të jetë mbi Furnizuesin dhe do të përballohet nga Furnizuesi deri në kohën kur mallrat të dorëzohen në pronësi të AK. Produktet e dorëzuara nga kontraktori dhe të pranuar duhet të jenë në përputhje me EN & ISO standardet mbi specifikacionet teknike.

AK të cilat janë të identifikuar në Aneksin 7 kanë të drejtë të refuzojnë çdo dërgesë e cila dështon në përmbushjen e specifikimeve minimale të cilësisë të përcaktuara në këtë specifikim teknik.

Agjencia Qendrore e Prokurimit pas nënshkrimit të kontratës do të shpërndajë nga një kopje të nënshkruar të kontratës tek secili Autoritet Kontraktues i identifikuar në Aneksin 7. Një kopje e kontratës së nënshkruar do të publikohet në webfaqen e AQP-se.

Furnizuesi do të emërojë një përfaqësues, i cili do të veprojë si pikë kontaktuese e Furnizuesit për të gjitha çështjet që lidhen me kontratën. Ky përfaqësues apo zëvendësi i tij do të ketë autoritetin e duhur për të marrë vendime të shpejta dhe të zgjidhë çështjet që lidhen me ekzekutimin e kontratës.

Çdo AK i specifikuar në Aneksin 7 do të emërojë një përfaqësues si pikë ndërmjet Autoritetit kontraktues dhe OE i cili do të ketë autoritetin për të marrë vendime të shpejta dhe të zgjidhë çështjet që lidhen me ekzekutimin e kontratës.

Garancioni për secilin artikull është 12 muaj nga pranimi i mallit.

Devijimi i lejuar në dimension është +/- 5 % si për tavolina, dollapë dhe karriga zyrtare. Inventari duhet të jetë i komfort specifikimeve teknike të specifikuar më poshtë dhe komfort standardeve.

Fotot janë vetëm për ilustrim, obligative është të plotësohet kërkesat e paraqitura tek "përshkrimi"



OSHP, përkatësisht ekspertija shqyrtues/s për konsistence në vendosje mund të referohet vendimit të nxjerre nga Paneli Shqyrtues me nr. 484-486/23.

Pretendimi ankimore nr. 3

AK Agjencioni Qendror i Prokurimit, tek kërkesat mbi mundësit teknike dhe profesionale nga pika 9.1 & 9.2 në pozicionin 1, ka kërkuar: Operatori ekonomik duhet të ofrojë dëshmi se ka përfunduar me sukses **furnizime të natyrës së ngjashme në 3 (tri) vitet e shkuara**, jo më pak se Lot 1 200,000.00 Euro Lot 2 700,000.00 Euro Lot 3 3,000,000.00 Euro.

Dëshmia e kërkuar dokumentare:

Operatori Ekonomik duhet të plotësojë formularin standard të dhënë në Aneksin 8 të Dosjes së Tenderit apo ndonjë format tjetër që përfshinë afërsisht të dhënat e aneksit 8 dhe të bashkëngjis certifikatat përkatëse ose ndonjë dokument tjetër që evidenton liferimin e tillë,

gjithashtu Operatori Ekonomik për plotësimin e kësaj kërkesë mund të bashkëngjisë edhe Listë Libër të faturave të shitjeve (ku duhet të shihet qartë të paktën blerësi, data, artikujt dhe shuma duke ua bashkangjitur faturat si dëshmi) apo edhe duke paraqitur referenca si nga blerësi publik apo edhe nga blerësi privat”.

Grupi i OE-ve të rekomanduar për dhënie të kontratës në 2 lote, përkatesisht në lotin 1 dhe 3, për tu kualifikuar si të përgjegjshëm për të dy lotet do duhej të prezantonin projekte të realizuara në vlerë prej **4,200,000.00€**

Sipas dëshmive të prezantuara në oferte në emër të liderit të grupit është prezantuar lista e projekteve dhe atë në vlerë prej 1,460,860.47, por nuk janë prezantuar dëshmi dokumentare përmes të cilave vërtetohet se për periudhën e shkruar 3 vjeçare është përmbushur e njëjta vlerë.

Anetari tjetër i grupit “Madekos” shpk, si dëshmi ka prezantuar referenca për furnizime dhe shërbime për produkte dhe pajisje medisinale, projekte këto të cilat nuk kanë kurrëfar lidhje me projekte të ngjashme me natyrën e aktivitetit të prokurimit.

- Materiali medicinal, penje kirurgjik, pajisjet mjekësore elektronike, barnat, reagencat dhe produktet tjera mjekësore nuk kanë të bëjnë me këtë procedurë të prokurimit.

Kontratat e lidhura përgjatë vitit 2019 dhe 2020, janë kontrata të cilat nuk korespondojnë me periudhën kohore të kontraktuar. AK – AQP, nuk ka ekzaminuar, nuk ka krahasuar dhe nuk i ka vlerësuar dëshmit në raport me kërkesat e përcaktuara në dosje të tenderit dhe njoftim për kontratë.

Prove: dëshmitë të cilat tregojnë se janë pranuar projekte të realizuara përgjatë vitit 2020, e të cilat janë trajtuar si të mirëqena.

Raporti i ekspertit shqyrtues, lidhur me ankesën e parashtruar nga OE "STANDARD HOME FURNITURE L.L.C.", lidhur me aktivitetin e prokurimit "Furnizim me mobilje" me numër të prokurimit: "UA/2016-23-14297-1-1-1, të iniciuar nga Autoriteti Kontraktues (AK) – Agjencia Qendrore e Prokurimit

TEB

Receipt

Date : 11/03/2020
No : 00001261

Account No:20-25-0001670765-05
Sender:1300001001024956
Beneficiary:WOOD CORPORATION L L C

TAFIL ORACA BI TAFIL ORACA BI PAGESE TE FATURES NR 7 PER W EUR 30,000.00+
Value : 11/03/20

WOOD CORPORATION LLC

TAFIL ORACA BI PAGESE TE FATURES NR 7 PE
WOOD CORPORATION L L C

EUR.30,000.00 credited to your account.

- 811289562
For Supp.Info:
(038) 23 00 00

Regards,
THERANDA BRANCH
Approved electronically.

TEB S.A.
01 NOV 2021
Tirana City Office

Receipt

Date : 07/12/2020
No : 00001431

Account No:20-25-0001670765-05
Sender:1300001001024956
Beneficiary:WOOD CORPORATION LLC

TAFIL ORACA BI TAFIL ORACA BI PAG E FAT NR 34 /WOOD CORP EUR 10,000.00+
Value : 07/12/20

WOOD CORPORATION LLC

TAFIL ORACA BI PAG E FAT NR 34 /WOOD
CORPORATION LLC

EUR.10,000.00 credited to your account.

- 811289562
For Supp.Info:
(038) 23 00 00

Regards,
THERANDA BRANCH
Approved electronically.

TEB S.A.
01 NOV 2021
Tirana City Office

Provat e sipërprezantuar tregojne se AK AQP, ka pranuar projekte te cilat janë kontraktuar dhe janë realizuar pergjate vitit 2020, periudhe kjo e cila nuk korrespondon me kerkesen e Autoritetit Kontraktues, përkatësisht për periudhen e shkuar tre vitet e fundit. Kontrata është e lidhur me datën 05/03/2020, e njejta është realizuar pergjate te njejt vit dhe referenca e prezantuar për këtë projekt permбан datën 2021 dhe AK e ka trajtuar si te mireqene. Rrjedhimisht AK për projekte si kjo detyrimisht ka qene dashur te kërkojë sqarim shtese përgjate procesit te vleresimit te ofertave, madje edhe t'i konfirmoje referencat e prezantuar

ne oferte sa i përket vertetësisë së tyre.

Ngjashëm është vepruar edhe me kontrata dhe projekte tjera të cilat janë realizuar jashta periudhës kohore të përcaktuar nga AK. Pra lideri i grupit të OE të rekomanduar për dhënie të kontratës në lot 1 dhe 3 sipas dëshmiave të prezantuara në oferte nuk e mbulon vlerën e përcaktuar nga AK, madje as edhe për Lotin 1.

Pretendimi ankimore nr. 4.

Autoriteti Kontraktues Agjencia Qendrore e Prokurimit tek kërkesat mbi mundësitë teknike dhe/ose profesionale pika 9.1 & 9.2, e FDT-se, në pozicionin 2 ka kërkuar: *Katalogu për produktet që oferton*",

Dëshmia e kërkuar dokumentare:

- Katalogu për produktet që oferton - Katalogu duhet të jetë i sakt për produktet që oferoni. Nuk lejohet të ketë opsione si minimum apo duhet të ketë..., pra nuk mund të shfrytëzohet Aneksi 1 i dosjes së tenderit si katalog por duhet të ofrohet katalog që përfshinë të gjitha specifikat e produktit të cilin e ofroni.

Pra AK - AQP, në kërkesë kualifikuese ka përcaktuar që OE duhet të prezantojë katalog të sakt dhe se nuk lejohet dhënie e katalogut të shfrytëzohet aneksi 1 i dosjes së tenderit.

Grupi i OE-ve të rekomanduar në lotin 3 përkishtë e kanë bërë një gjë të tillë që kanë marrë përshkrimin nga aneksi 1 i dosjes së tenderit dhe kanë krijuar broshurë me përshkrim të sakt nga aneksi 1 i dosjes së tenderit.

10. Sqarimi i tenderëve gjatë procesit të vlerësimit të tenderëve.

Problemi	Si të veprohet	Neni i LPP-së
Dëshmitë mbi gjendjen ekonomike dhe financiare nuk përmbushin kërkesat minimale	Refuzo tenderin pa kërkuar informacion të mëtijshëm	68
Mungon specifikacioni Teknik për mallrat e ofruara dhe katalogu (specifikimit teknik	Refuzo tenderin pa kërkuar informacion të mëtijshëm	28

Bazuar në provat dhe faktet e prezantuara si më lartë, grupi i OE ankues Standard Home Furniture L.L.C & NNP STANDARD PLUS konsideron se AK - AQP, vlerësimin krahasimin dhe ekzaminimin e ofertave e ka realizuar në kundërshtim me ligjin për prokurim publik dhe me aktet tjera nënligjore, prandaj propozojmë që eksperti shqyrtues në kuptim të dispozitave të

nenit 113 te LPP-se, të trajtoje pretendimet tona ankimore ne kuptim te asaj se cfare ne kemi kerkuar, ne mënyrë qe paneli shqyrtues te nxjerre këtë:

V E N D I M

- **Te aprovohet** si e bazuar, ne tërësi ankesa e Grupit të OE Standard Home Furniture L.L.C & NNP STANDARD PLUS,
- **Te kthehet lënda ne Rivlerësim** dhe te rekomandohet për dhënie te kontratës OE ankues,
- **Te obligohet** AK AQP, qe gjatë ri vlerësimit e ofertave ti respektoj ne tërësi dispozitat ligjore.
- **Te lejohet kthimi i mjeteve** te deponuara ne emer te ankeses.

Pretendimet ankimore (dispozitat e shkelura nga AK), nuk janë të njëjta me kërkesa për rishqyrtim në autoritetin kontraktues (pasi qe OE ankues ka shtuar nenin 24, 52, 69, 108/A, te LPP-se, nenin 40 dhe 97 te Rregullores Nr. 001/2022 për PP si dhe nenin 10 Udhëzuesit Nr. 001/2023 për PP, ndërsa ka larguar nenin 1, 6, nenin 60), kurse tek Deklarata detale mbi faktet dhe argumentet – nuk janë te njëjta me atë të dorëzuar në kërkesën për rishqyrtim pranë AK-së duke plotësuar dhe ndryshuar, andaj bazuar ne nenin 64.2 te Rregullores Nr. 001/2022 për PP, si neni 13 par. 9 i Rregullores së OSHP-së Nr. 01/2020, në të cilën thuhet: “Ankesat duhet të jenë të qarta, e shkurtër, dhe me pretendimet e supozuara që eventalisht janë shkelur nenet e caktuara të LPP-së nga ana e Autoritetit Kontraktues. Pretendimet ankimore parimisht duhet të jenë të njëjta me ato të paraqitura në Autoritetin Kontraktues”

KRITERET PËR VLERËSIM

(Të vendosen vetëm kërkesa/kriteret që kanë të bëjnë me arsyet e eliminimit dhe/apo ato kërkesa që lidhen me pretendimet ankimore)

III.2.4) Kapaciteti teknik dhe profesional

Dëshmia e kërkuar dokumentar.

<p>Kërkesa 1 Operatori ekonomik duhet të ofrojë dëshmi se ka përfunduar me sukses furnizime të natyrës se ngjajshme në 3 (tri) vitet e shkuara, jo me pak se Lot 1 200,000.00 Euro Lot 2 700,000.00 Euro Lot 3 3,000,000.00 Euro</p>	<p>Dëshmia 1 Operatori Ekonomik duhet te plotësoj formularin standard të dhënë në Aneksin 8 te Dosjes se Tenderit apo ndonjë format tjetër që përfshinë afërsisht te dhënat e aneksit 8 dhe te bashkëngjis certifikatat përkatëse ose ndonjë dokument tjetër qe evidenton liferimin e tillë, gjithashtu Operatori Ekonomik për plotësimin e kësaj kërkesë mund te bashkëngjisë edhe Listë Libër të faturave të shitjeve (ku duhet të shihet qartë të paktën blerësi, data, artikujt dhe shuma duke ua bashkangjitur faturat si dëshmi) apo edhe duke paraqitur referencia si nga blerësi publik apo</p>
---	--

	edhe nga blerësi privat.
Kërkesa 2 Katalogu për produktet qe oferton	Dëshmia 2 Katalogu për produktet qe oferton - Katalogu duhet të jetë i sakët për produktet që ofertoni. Nuk lejohet të ketë opsionie si minimum apo duhet të ketë... , pra nuk mund të shfrytëzohet Aneksi 1 i dosjes së tenderit si katalog por duhet të ofrohet katalog që përfshinë të gjitha specifikat e produktit të cilin e ofroni.
Aneksi 1 SPECIFIKIMET TEKNIKE TË DETYRUESHME	
Garancioni për secilin artikull është 12 muaj nga pranimi i mallit.	
Devijimi i lejuar në dimension është +- 5 % si për tavolina, dollapë dhe karriga zyrtare. Inventari duhet të jetë komfor specifikimeve teknike të specifikuara më poshtë dhe komfor standardeve.	
Fotot janë vetëm për ilustrim, obligative është të plotësohet kërkesat e paraqitura tek “përshkrimi”	

RAPORTI I KOMISIONI VLERËSUES

(Të përshkruhet vetëm vlerësimi i ofertës së OE ankues/ofertave, për të cilat OE ankues ka pretendime ankimore).

Grup i Operatorëve Ekonomik STANDARD HOME FURNITURE L.L.C.; Dashmir Limaj, ka plotësuar të gjitha kërkesat të parashtruara në dosje të tenderit dhe njoftim për kontratë, **Lot 1, Lot 2 dhe Lot 3,** mirëpo meqë , nuk kanë qenë oferta të përgjegjshme me çmimin më të ulët, nuk janë rekomanduar për kontratë.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

///

VLERËSIMI SIPAS NENIT 4.1.26 TË LPP

(Të jepet një vlerësim se OE ankues **nuk është** pale me interes sipas nenit **4.1.26 të LPP-së**)

VENDIMET E MËPARSHME TË OSHP LIDHUR ME RASTET E NGJASHME

///

ARSYETIMI PËR DEVIJIM NGA PRAKTIKA E MËPARSHME

///

PËRGJIGJE NË PRETENDIMET ANKIMORE TË OE ANKUES - STANDARD HOME FURNITURE L.L.C.

(Të vendosen vetëm kërkesa/kriteret që kanë të bëjnë me arsyet e eliminimit dhe/apo ato kërkesa që lidhen me pretendimet ankimore)

- Eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:

Përgjigje në Pretendimet OE ankues Nr. 1

Lidhur me pretendimet e operatorit ekonomik ankues, se autoriteti kontraktues ka shkelur nenin 7, 24, 52, 59,69, 108/A të LPP-së, nenin 40 dhe 97 te Rregullores Nr. 001/2022 për PP, nenin 10 te Udhëzuesit për PP Nr. 001/2023 si dhe deklaratë detale mbi faktet dhe argumentet lidhur me këtë ankese për këtë aktivitet te prokurimit.

Gjithashtu, duke u bazuar ne analizën dhe rrjedhën lidhur me këtë aktivitet të prokurimit, eksperti shqyrtues e sheh si palë pa interes juridiko material, konform **nenit 4 par. 1.26 të LPP-së**, ku thotë, po citoj: **“Palë e interesuar - personi që mund të dëshmojë interes material nga rezultati i aktivitetit të prokurimit të zbatuar nga autoriteti kontraktues në raport me një kontratë të veçantë publike ose konkurs projektimi duke përfshirë cilindo person i cili ka qenë ose mund të jetë në rrezik të dëmtimit nga një shkelje e pretenduar”**. Gjithashtu, duke marr për bazë edhe Njoftim për Operatorët Ekonomik nga OSHP të datës 09.02.2023 në pajtim me pikën b) të këtij njoftimi, pasi që OE ankues nuk ka ngritur asnjë pretendim lidhur me GOE: Prime Corporation L.L.C. & Erzeni Sh.p.k., bazuar ne raportin e vlerësimit të datës 11.03.2024 te cilët kanë tenderuar me çmimin më të ulët se sa OE ankues dhe shpallur OE te përgjegjshëm – pasuksesshëm nga AK. Prandaj, në bazë të analizës se mësipërme sqarojë se pretendimet e palës ne ankese **nuk janë trajtuar nga eksperti shqyrtues.**

Gjithashtu, ESH sqaron se bazuar ne **nenin 64.2 te Rregullores Nr. 001/2022 për PP, si neni 13 par. 9 i Rregullores së OSHP-së Nr. 01/2020**, në të cilën thuhet: **“Ankesat duhet të jenë të qarta, e shkurtër, dhe me pretendimet e supozuara që eventualisht janë shkelur nenet e caktuara të LPP-së nga ana e Autoritetit Kontraktues. Pretendimet ankimore parimisht duhet të jenë të njëjta me ato të paraqitura në Autoritetin Kontraktues”**, pretendimet e GOE ankues janë ne kundërshtim me këto dispozita si më larë.

Eksperti shqyrtues sqaron, se autoritetet kontraktues janë te obliguara që të sigurojnë që

fondet publike dhe burimet publike te përdoren në mënyrën më ekonomike, njëkohësisht duke marr në konsideratë qëllimin dhe lëndën e prokurimit, ashtu siç parashihet në **nenin 6 të LPP-së**, autoriteti kontraktues duhet te këtë ne konsideratë edhe **nenin 1 të LPP-së**, pasi që dihet se qëllimi i këtij ligji është te siguroj mënyrën më efikas, më transparent dhe më të drejt të shfrytëzimit të fondeve dhe burimeve publike.

REKOMANDIMI I EKSPERTIT SHQYRTUES

*Duke u bazuar në faktet, sqarimet e lartpërmendura dhe të gjeturat tjera në këtë raport, eksperti shqyrtues ipropozon panelit shqyrtues që ankesa e OE ankues të **refuzohet si e pa bazuara** (për arsyen që u cek tek përgjigja në pretendimin nr. 1), dhe të njëjtin tender për **Lot 3** rekomandojmë që të **mbete në fuqi vendimi i AK** lidhur me këtë aktivitet të prokurimit.*

Raporti i ekspertizës ti dorëzohet:

- Autoritetit Kontraktues – Agjencia Qendrore e Prokurimit
- Panelit Shqyrtues – OSHP
- OE ankues – STANDARD HOME FURNITURE L.L.C.

Sahit Beqiri

